

PENTING DISIPLIN NEMBIAK

**Ajar anak mit jalai ti patut dititihka iya,
ngambika lebuah iya nyau tuai,
iya enda limpang ari jalai nya.
Jaku Dalam 22:6**



Ngagai Apai Indai

Peda kita, anak endang pesaka Tuhan, lalu anak mit endang upah Iya. Masmur 127:3.

Barang sapa enda ngena tungkat diri, begedika anak iya, tang orang ke rinduka anak iya, seruran ngerara iya. Jaku Dalam 13:24

Nangika TUHAN bisi pengandal ti tegap, lalu bala anak sida bisi endur ngenduh. Jaku Dalam 14:26

Ajar anak nuan seagi-agi pengadang agi bisi, lalu anang nejuka semengat nuan sinu ke sabak iya.

Jaku Dalam 19:18

Ulah ti beli endang ditanchang dalam ati anak mit; tang tungkat pengibuh deka muru orang nya jauh ari iya. Jaku Dalam 22:15

Anang enggai ngerara anak mit nya, laban enti nuan malu iya ngena tungkat, iya enda mati. Nuan deka malu iya ngena tungkat, lalu ngelepaska nyawa iya ari neraka. Jaku Dalam 23:13-14

Tungkat enggau jaku lalau meri penemu-dalam, tang anak mit ti ditinggalka kediri, ngemaluka indai iya. Jaku Dalam 29:15

Ajar anak nuan, nya baru iya deka ngasuh nuan belelak. iya deka meri pengaga ngagai semengat nuan. Jaku Dalam 29:17

Semua anak kita deka diajar TUHAN. lalu bala anak nuan deka lantang." Isaiah 54:13

Ngagai Nembiak Mit

Bebasaka apai enggau indai nuan, ngambika nuan panjai umur di menua ti diberi TUHAN Allah Taala nuan ngagai nuan. Pemansut 20:12 Anak, anang ngemaruhka jaku ajar Tuhan. lalu anang leju ngerara Iya, laban Tuhan ngerara orang ke dikerinduka Iya. baka apai ke anak ti dikerinduka iya. Jaku Dalam 3:11-12

Jaku-dalam ari Solomon. Anak ti bepenemu-dalam ngasuh apai iya gaga ati, tang anak ti beli ngasuh indai iya tusah ati. Jaku Dalam 10:10.

Pendingka apai nuan, lalu anang ngemaruhka indai nuan lebuah iya udah tuai. Jaku Dalam 23:22

Kita ke anak, ngasika apai indai kita dalam Tuhan, laban nya utai ti patut. Bebasaka apai enggau indai nuan; nya meh pesan ti keterubah ti bisi semaya.

Ngambika nuan mujur sereta panjai umur di dunya tu. Epesus 6:1-3.

Bebasaka apai nuan enggau pengabis ati nuan, lalu anang enda ingatka pemerinsa indai nuan. Kingatka Nuan endang anak sida. Baka ni ku nuan ulih malas utai ti udah dikereja sida ke nuan?" Pengajar 7:27-28

Enti kitai deka disiplin anak kitai, sida deka nyabak diatu tang enjoy jemah ila. Enti kitai enda disiplin anak kitai, sida deka rindu diatu tang nyabak jemah ila.

Nembiak meh pengidup menua kitai jemah ila. Tang enti sida deka tuai nadai disiplin, kati gaya menua kitai jemah ila?

Semua ulah ti enda manah ba orang ke besai tuai nya ulah ti enda dikemetulka tauka disiplin lebuah iya agi mit. Kitai patut ngemesaika anak ti nangika Petara.

Aku ngambi sebilah tanah liat ti idup .
Lalu lembut ditempat iya ari hari ke hari .
Aku datai baru lebuah taun udah nadai
Nya siku lelaki ti diperening aku .
Iya agi nya awal impress makai .
Lalu aku enda ulih ngubah iya agi